

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje Tuzlanskog kantona
Tuzla

JU Služba za zapošljavanje Tuzlanskog kantona sa sjedištem u Tuzli, Bosne Srebrenе bb, 75000 Tuzla, na osnovu Pravilnika o postupku dodjele Ugovora o uslugama iz Aneksa II dio B Zakona o javnim nabavkama ("Službeni glasnik BiH", broj: 66/16), objavljuje:

**JAVNI POZIV
za dostavljanje ponuda za
ADVOKATKE USLUGE U RADNO-PRAVNIM POSTUPCIMA**

1. OPŠTI PODACI

1.1. Podaci o ugovornom organu

Ugovorni organ: JU Služba za zapošljavanje Tuzlanskog kantona Tuzla

Adresa: Bosne Srebrenе bb, 75000 Tuzla

IDB/JIB: 4209206450003

Telefon: +387 35 306 440

Faks: +387 35 228 573

Web adresa: www.szztk.ba

e-mail: nabavke@szztk.ba

1.2. Podaci o osobama zaduženim za kontakt

Kontakt osoba:

mr iur Ahmetović Berisa, stručni saradnik za javne nabavke, opće i pravne poslove

Telefon: +387 35 306 466

Faks: +387 35 228 573

e-mail: berisa.ahmetovic@szztk.ba

1.3. Podaci o postupku javne nabavke

Broj i datum Odluke o pokretanju postupka javne nabavke: 02-11-4-130/20 od 18.02.2020. godine.

Referentni broj iz Plana nabavki: redni broj 28 (polje usluge) Plana nabavke za 2020. godinu.

Vrsta postupka javne nabavke: Postupak nabavke usluga iz Aneksa II dio B Zakona o javnim nabavkama,

Procijenjena vrijednost javne nabavke: 3.846,15 KM bez PDV-a

Oznaka i naziv iz jedinstvenog riječnika javnih nabavki: 79110000-8

2. PODACI O PREDMETU JAVNE NABAVKE

2.1. Opis predmeta nabavke

Predmet ovog postupka je nabavka advokatskih usluga u radno pravnim postupcima na koje se primjenjuje poseban režim u skladu sa članom 8. stav (1) Zakona o javnim nabavkama BiH («Službeni glasnik BiH», broj: 39/14), članom 7. i 8. Pravilnika o postupku dodjele ugovora o uslugama iz Aneksa II Dio B Zakona o javnim nabavkama, na osnovu stvarnih potreba ugovornog organa prema Planu nabavki za 2020. godinu, a sredstva za realizaciju su predviđena u Finansijskom planu za 2020. godinu.

2.2. Tehničke specifikacije predmeta nabavke

Tehnička specifikacija predmeta nabavke je sastavni dio ovog poziva i data je u prilogu poziva.

2.3. Period na koji se zaključuje ugovor

Ugovor o vršenju advokatskih usluga (Ugovor o punomoćstvu) se zaključuje za kontinuirano (višekratno) izvršenje advokatskih usluga na period do 1 (jedne) godine, ili do utroška sredstava planiranih za ove namjene.

3. USLOVI ZA KVALIFIKACIJU PONUĐAČA

3.1. Uslovi za kvalifikaciju u smislu lične sposobnosti (član 45. stav (1) tačke c) i d) ZJN) i dokazi koji se traže

Ugovorni organ će odbaciti ponudu ako:

- a) Ponuđač nije ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- b) Ponuđač nije ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

3.2. Dokazi koje ponuđač mora dostaviti u pogledu lične sposobnosti:

Ponuđač, u svrhu dokaza o ispunjavanju uslova lične sposobnosti, dužan je u ponudi dostaviti Izjavu potpisano od strane ovlaštene osobe i ovjerenu kod nadležnog organa (sud/notar/općina). Izjava i njena ovjera ne smiju biti starije od 30 dana od dana predaje ponude. Obrazac Izjave o ispunjenosti uslova iz člana 45. stav (1) tačke c) i d) ZJN je sastavni dio ovog poziva.

Ponuđač će biti isključen iz dalnjeg sudjelovanja u postupku zbog neispunjavanja uslova za kvalifikaciju, ukoliko se u ponudi ne dostavi navedena Izjava, na način na koji je traženo.

Izabrani ponuđač je obvezan da dostavi sljedeće dokaze, kojima će potvrditi vjerodostojnjost izjave (Lična sposobnost – član 45. stav (1) tačke c) i d) ZJN) i to:

- a) Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- b) Uvjerenje izdato od strane nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza (ako nije PDV obveznik da dostavi uvjerenje od nadležne institucije da nije PDV obveznik).

Navedeni dokazi se obavezno dostavljaju u originalu ili ovjerenoj kopiji i ne smiju biti stariji od tri mjeseca računajući od dana dostavljanja ponude i izabrani ponuđač ih dostavlja na protokol Ugovornog organa u roku od 5 (pet) dana od dana prijema Obavještenja o dodijeli Ugovora.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže ovim Pozivom. U protivnom će se smatrati da je dao lažnu izjavu.

Kao dokaz za ispunjavanje uslova iz člana 45. stav (1) tačke c) i d), prihvata se i sporazum ponuđača s nadležnim poreskim institucijama o reprogramiranom, odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu/uvjerenje poreskih organa da ponuđač u predviđenoj dinamici izmiruje svoje reprogramirane obaveze.

3.3. Težak profesionalni propust (član 45. stav (5) Zakona o javnim nabavkama

Napominje se da se ponuda odbija ako Ugovorni organ, na bilo koji način, dokaže da je ponuđač bio kriv za težak profesionalni propust počinjen tokom perioda od tri godine prije početka postupka, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara subjekta određene težine.

3.4. Sposobnost obavljanja profesionalne djelatnosti – u smislu člana 46. Zakona o javnim nabavkama

Da bi učestvovao u konkretnom postupku javne nabavke, ponuđač mora ispunjavati sljedeći uslov sposobnosti obavljanja profesionalne djelatnosti i to:

- a) da je registrovan za obavljanje djelatnosti koja je predmet ove nabavke;

Za ugovorni organ kao dokaz o registraciji za obavljanje predmetne djelatnosti prihvatlji su sljedeći dokazi:

- a) Rješenje nadležne Advokatske komore iz koje je vidljivo da je ponuđač registrovan za pružanje predmetnih usluga i isto se obavezno dostavlja uz ponudu kako bi se utvrdilo da je ponuđač registrovan za obavljanje djelatnosti koja je predmet ove nabavke.

Dostavljeni dokazi se priznaju, bez obzira na kojem nivou vlasti su izdati.

Navedeni dokazi sposobnosti obavljanja profesionalne djelatnosti iz ove tačke javnog poziva dostavljaju se u originalu ili kao ovjerena kopija originala.

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke javnog poziva ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

3.5. Tehnička i profesionalna sposobnost – u smislu člana 50. Zakona o javnim nabavkama

Ponuđač je u svrhu dokaza o ispunjavanju uslova tehničke i profesionalne sposobnosti dužan je dokazati sljedeće:

- a) da ima minimalno 3 godine iskustva u pružanju advokatskih usluga, a koje obuhvataju i iskustvo u radno-pravnim postupcima

U svrhu dokazivanja uslova tehničke i profesionalne sposobnosti (3.5. pod a)) ponuđač je dužan dostaviti sljedeće dokaze:

- a) Potvrdu Advokatske komore u kojoj će biti jasno navedeno ukupno iskustvo ponuđača u oblasti advokatskih usluga. Potvrda se dostavlja kao original ili ovjerena kopija.
- b) Izjavu ponuđača, u kojoj je jasno naglašeno da je imao iskustva u zastupanju slučajeva iz oblasti radno-pravnih postupaka. Izjava se ovjerava kod nadležnog općinskog organa ili notara.

U slučaju da se u ponudi ne dostave navedeni dokazi tehničke i profesionalne sposobnosti iz ove tačke poziva ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

4. PODACI O PONUDI

4.1. Kriteriji za izbor ponude

U skladu sa članom 64. stav 1), tačka b) Zakona o javnim nabavkama („Službeni glasnik BiH“, broj: 39/14), kriterij za izbor ponude je najniža cijena ponude - advokatskih usluga, utvrđena Tarifom o nagradama i naknadi troškova za rad advokata, sa ponuđenim iznosom popusta.

Navedeni popust mora biti iskazan u procentima i isti se u iznosu koji ponuđač odredi, odobrava na svaki održeni predmet, odnosno prilikom dostavljanja fakture za svaki pojedinačno završen posao, a koji je predmet ugovora.

4.1 Sadržaj ponude i način pripreme ponude

Ponuđači su obavezni da pripreme ponude u skladu sa kriterijima koji su utvrđeni u ovom Javnom pozivu. Ponude koje nisu pripremljene u skladu sa ovim javnim pozivom će biti odbačene kao neprihvatljive.

Ponuda treba da sadrži:

- a) popunjeni obrazac za ponudu/obrazac za dostavljanje ponude**
- b) popunjeno obrazac za cijenu ponude**
- c) dokaze i izjave zahtjevane u tački 3.1. Uslovi za kvalifikaciju u smislu lične sposobnosti**
- d) Potvrdu Advokatske komore u kojoj će biti jasno navedeno ukupno iskustvo ponuđača u oblasti advokatskih usluga.**
- e) Izjavu ponuđača, u kojoj je jasno naglašeno da je imao iskustva u zastupanju slučajeva iz oblasti radno-pravnih postupaka.**
- f) izjava preferencijalni tretman domaćeg**
- g) izjava da nema smetnji po pitanju člana 52. Zakona o javnim nabavkama BiH**
- h) potpisani prijedlog ugovora**
- i) datum ponude, potpis i pečat ovlaštenog lica ponuđača.**

Ako se radi o grupi ponuđača, obrazac za dostavljanje ponude sadrži podatke za svakog člana grupe ponuđača, uz obaveznu naznaku člana grupe ponuđača koji je ovlašten za komunikaciju s ugovornim organom.

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ciriličnom pismu. Pri pripremi ponude ponuđač je obavezan pridržavati se zahtjeva i uslova iz ovog poziva. Ponuđač snosi sve troškove u vezi sa pripremom i dostavljanjem ponude. Ponuđač ne smije mijenjati ili nadopunjavati tekst poziva.

Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova.

Ponuda se čvrsto uvezuje na način da se onemogući naknadno vađenje ili umetanje listova. Ponuda mora biti čvrsto uvezana i sve strane ponude na kojima ima neki tekst numerisane rednim brojevima 1., 2., 3., ..., n. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude. U slučaju da ponuđač uveže ponudu na navedeni način uvez mora biti dodatno osiguran jamstvenikom. Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom i bit će odbačena iz daljnog postupka nabavke.

Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova na naprijed opisani način.

Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Ako je ponuda izrađena od više dijelova ponuđač mora u sadržaju ponude navesti od koliko se dijelova ponuda sastoji.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno.

Izuzetno od prethodnog stava, ponuda neće biti odbačena ukoliko su listovi ponude numerisani na način da je obezbijeden kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova drugih zahtjeva utvrđenih u obavještenju o nabavci i ovom pozivu.

Ponude se pišu neizbrisivom tintom.

4.2. Izmjena i/ili dopuna ponude i odustajanje od ponude

U slučaju da ponuđač primijeti da je načinio grešku prilikom pripreme ponude ista mora biti ispravljena na način da ispravljeni podaci moraju biti vidljivi, potvrđeni potpisom ponuđača i sa datumom izvršenja ispravke.

Ponuđač može do isteka roka za dostavu ponuda dostaviti izmjenu i/ili dopunu ponude.

Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

4.3. Period važenja ponude (opcija ponude)

Ponude moraju važiti 60 dana, računajući od isteka roka za podnošenje ponuda.

Ukoliko ponuđač u ponudi ne navede rok važenja ponude, onda se smatra da je rok važenja ponude onaj koji je naveden u ovom pozivu (zahtijevan od strane ugovornog organa).

U periodu važenja ponude, ugovorni organ može zahtijevati od ponuđača, u pisanoj formi, da produži period važenja do određenog roka. Svaki ponuđač ima pravo odbiti takav zahtjev.

Ako ponuđač ne odgovori na pismeni zahtjev ugovornog organa u pogledu produženja perioda važenja ponude ili ne pristane produžiti rok važenja ponude, smatra se da je ponuđač odbio zahtjev ugovornog organa, te se njegova ponuda ne razmatra u dalnjem toku postupka.

Ponuđač koji pristane produžiti period važenja ponude, i o tome u pisanoj formi obavijesti ugovorni organ, produžava period važenja ponude. U periodu produženja važenja ponude, ponuda se ne može mijenjati.

4.4. Obrazac za cijenu ponude iz Aneksa

Ponuđači su dužni dostaviti popunjeno obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ponuđač je dužan popuniti Obrazac za cijenu ponude, u skladu sa uslovima navedenim u ovom Javnom pozivu.

4.5. Način određivanja cijene ponude

Cijena ponude obuhvata sve stavke iz obrasca za cijenu ponude (bez PDV-a).

Jedinična cijena koju dostavi ponuđač u ponudi je fiksna i neće se mijenjati u toku trajanja ugovora.

Ponuđena cijena treba da sadrži kompletну cijenu za predmetnu uslugu, bez taksi na podneske, bez obzira i na eventualni ishod postupka.

Cijena ponude se određuje u skladu sa advokatskom tarifom, a rangiranje istih zavisi od odobrenog popusta. Popust se obavezno izražava u procentima i uračunava se na svaki pojedinačni završeni predmet.

Cijena ponude se izražava u konvertibilnim markama (KM).

Ugovorni organ će zaključiti ugovor sa izabranim ponuđačem u vrijednosti iznosa sredstava koje je planirao za ovu vrstu usluga od 3.846,15 KM bez uračunatog PDV-a.

4.6. Preferencijalni tretman domaćeg

Ugovorni organ obavezno primjenjuje preferencijalni tretman domaćeg (preferencijalni tretman cijene) u skladu sa Odlukom o izmjenama i dopunama Odluke o obaveznoj primjeni preferencijalnog tretmana domaćeg („Službeni glasnik BiH“, broj: 75/19 od 10.06.2019. godine).

Preferencijalni tretman cijena će se primjenjivati samo u svrhu poređenja ponuda prilikom ocjene ponuda.

Prilikom obračuna cijena ponuda, u svrhu poređenja ponuda, ugovorni organ će umanjiti cijene domaćih ponuda za preferencijalni faktor od:

- 5% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u 2019. i do 1.6.2020. godine.“

Domaće ponude su ponude koje podnose pravna ili fizička lica sa sjedištem u BiH, i koja su registrovana u skladu sa zakonima BiH, i kod kojih,

- u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Domaćom ponudom smatra se i ponuda koju podnosi grupa ponuđača koju čine pravna ili fizička lica sa sjedištem u državama potpisnicama CEFTE i koja su registrovana u skladu sa zakonima u državama potpisnicama CEFTE i najmanje jedno pravno ili fizičko lice sa sjedištem u BiH koje je registrovano u skladu sa zakonima u BiH i kod kojih u slučaju ugovora o nabavkama roba najmanje 50% ukupne vrijednosti od ponuđenih roba ima porijeklo iz BiH, a u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Ponuđač je dužan izjasniti se o svojoj ponudi u smislu preferencijalnog tretmana domaćeg u obrascu za dostavu ponude izabirući odgovarajuću opciju za njegovu ponudu. Ponuđač navedenu izjavu daje pod punom krivičnom i materijalnom odgovornošću. Ukoliko ponuđač ne odabere nijednu od ponuđenih opcija smatra se da ne uživa preferencijalni tretman domaćeg. Preferencijalni tretman cijena će se primjenjivati samo u svrhu poređenja ponuda prilikom ocjene ponuda, u skladu sa člankom 35. Zakona. Prilikom računanja cijena iz ponuda u svrhu poređenja ponuda, cijena iz domaćih ponuda će biti umanjena za preferencijalni faktor, u skladu sa pomenutom Odlukom. U smislu ove odredbe, domaće ponude su ponude koje dostave fizičke ili pravne osobe sa sjedištem u BiH, osnovane u skladu sa zakonima BiH, u kojima najmanje 50 % radne snage koja će raditi na realizaciji ovog ugovora su rezidenti iz BiH.

4.7. Način dostavljanja ponude, mjesto, datum i rok za dostavljanje ponuda

Ponuda, bez obzira na način dostavljanja, mora biti zaprimljena u Ugovornom organu, na adresi navedenoj u javnom pozivu, najkasnije do **13.03.2020. godine do 11,00 sati**.

Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

Ponude se predaju na protokol ugovornog organa ili putem pošte, na adresu ugovornog organa, u zatvorenoj koverti na kojoj, na prednjoj strani koverte, mora biti navedeno:

- a) naziv i adresa ugovornog organa,
- b) naziv i adresa ponuđača u lijevom gornjem uglu koverte,
- c) naziv predmeta nabavke, odnosno naznaka "**Ponuda za nabavku advokatskih usluga u radno pravnim postupcima**"
- d) naznaka "NE OTVARAJ".

Svaki ponuđač može podnijeti samo jednu ponudu.

4.8. Dopuštenost podnošenja alternativne ponude

Nije dopušteno podnošenje alternativne ponude.

4.9. Datum i vrijeme za provođenje pregovaranja

Pregovori se neće provoditi.

4.10. Mjesto, datum i vrijeme otvaranja ponuda

*Ponude se otvaraju na adresi ugovornog organa dana **13.03.2020. godine u 11,30 sati.***

U skladu sa članom 7. stav (3) Pravilnika o postupku dodjele ugovora o uslugama iz Aneksa II dio B Zakona o javnim nabavkama Javni poziv za dostavu ponuda objavit će se na web stranici Službe za zapošljavanje TK, www.szztk.ba.

PRILOZI:

1. Aneks II Obrazac za ponudu
2. Aneks III Obrazac za cijenu ponude- usluge
3. Aneks IV Obrazac Izjave o ispunjenosti uslova iz člana 45. ZJN BiH
4. Aneks V Izjava preferencijalni tretman domaćeg
5. Aneks VI Obrazac izjave iz člana 52. Zakona
6. Aneks VII Nacrt Ugovora

Broj: 02-11-4-130-1/20

Datum: 26.02.2020. godine

v.d. DIREKTOR-a

Advija Murselović, dipl.ecc

OBRAZAC ZA PONUDU

Broj nabavke: 02-11-4-130/20

Ugovorni organ:
JU Služba za zapošljavanje Tuzlanskog kantona
Bosne srebrenе bb
75000 Tuzla

PONUĐAČ

Naziv ponuđača _____

ID broj ponuđača _____

Adresa ponuđača _____

Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje i se podatak da je to predstavnik grupe ponuđača. Podugovarač se ne smatra članom grupe ponuđača u smislu postupka javne nabavke.

IZJAVA PONUĐAČA

Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U postupku javne nabavke, koju ste pokrenuli i koja je objavljena na web stranici ugovornog organa: www.szztk.ba, dana 26.02.2020. godine, dostavljamo ponudu i izjavljujemo sljedeće:

1. U skladu sa sadržajem i zahtjevima iz Javnog poziva br. 02-11-4-130/20, ovom izjavom prihvatamo njene odredbe u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz Poziva za isporuku usluge, u skladu sa uslovima utvrđenim u dokumentaciji iz Poziva, kriterijima i utvrđenim rokovima, bez ikakvih rezervi ili ograničenja.
3. Cijena naše ponude (bez PDV-a) je Tarifa o nagradama i naknadi troškova za rad advokata. Popust koji dajemo na cijenu ponude, odnosno svaki pojedinačni završeni predmet, je _____ % (obavezno izražen u procentima).

Ukupna procijenjena vrijednost advokatskih usluga u imovinsko pravnim postupcima je na period do 1 (jedne) godine, ili do utroška sredstava planiranih za ove namjene.

U prilogu se nalazi obrazac za cijenu naše ponude, koji je popunjeno u skladu sa zahtjevima iz Poziva za dostavu ponuda za nabavku advokatskih usluga u imovinsko pravnim postupcima.

U slučaju razlika u cijenama iz ove Izjave i Obrazca za cijenu ponude, relevantna je cijena iz obrazca za cijenu ponude.

4. Ponuđač koji dostavlja ovu ponudu je:
 - a) domaće sa sjedištem u BiH i najmanje i najmanje 50% radne snage koja će raditi na realizaciji ovog ugovora su rezidenti iz BiH, a dokazi da naša ponuda ispunjava uslove za preferencijalni tretman domaćeg, koji su traženi Pozivom za dostavu ponuda, su u sastavu ponude.
 - b) na ponudu se ne može primjeniti preferencijalni faktor domaćeg, navesti da se na ponudu ne primjenjuju odredbe o preferencijalnom tretmanu domaćeg.

5. Ova ponuda važi _____

(broj dana ili mjeseci se upisuju i brojčano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do _____ (datum).

6. Ako naša ponuda bude najuspješnija u ovom postupku javne nabavke, obavezujemo se (zakružiti):

a) dostaviti dokaze o kvalificiranosti, u pogledu lične sposobnosti, ekonomске i finansijske sposobnosti, te tehničke i profesionalne sposobnosti koji su traženi tenderskom dokumentacijom i u roku koji je utvrđen, a što potvrđujemo izjavama u ovoj ponudi.

Ime i prezime osobe koja je ovlaštena da predstavlja ponuđača _____

Potpis ovlaštene osobe: _____

Mjesto i datum: _____ M.P.

Uz ponudu je dostavljena sljedeća dokumentacija:

OBRAZAC ZA CIJENU PONUDE- USLUGE
(Tehničke specifikacije predmeta nabavke)

Naziv ponuđača: _____
Ponuda broj: _____

Red.br.	Opis usluge	Cijena	Ponuđeni popust (izražen u procentima) ¹	Napomena
1.	Advokatske usluge u skladu sa Javnim pozivom za dostavu ponuda za nabavku advokatskih usluga u radno-pravnim postupcima (sudski postupci), za period do 1 (jedne) godine ili do utroška sredstava planiranih za ove namjene	U skladu sa Tarifom o nagradama i naknadi troškova za rad advokata		

Potpis ovlaštenog lica ponuđača i pečat _____

¹ U skladu sa uslovima navedenim u tekstu Javnog poziva, popust se obračunava za svaki završeni pojedinačni predmet.

Izjava o ispunjenosti uslova iz člana 45. stav (1) tačaka c) i d) Zakona o javnim nabavkama BiH („Službeni glasnik BiH“ broj: 39/14)

Ja, nižepotpisani _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke **advokatskih usluga u radno-pravnim postupcima – Usluge iz Aneksa II dio B Zakona o javnim nabavkama**, a kojeg provodi ugovorni organ JU Služba za zapošljavanje Tuzlanskog kantona, u skladu sa članom 45. stavovima (1) i (4) pod punom materijalnom i krivičnom odgovornošću

IZJAVLJUJEM

Kandidat/ponuđač _____ u navedenom postupku javne nabavke, kojeg predstavljam, nije:

- a) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- b) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registriran.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od c) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorene službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja krivično djelo predviđeno Krivičnim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P

**PISMENA IZJAVA
PREFERENCIJALNI TRETMAN DOMAĆEG**

Ja, nižepotpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke **advokatskih usluga u radno pravnim postupcima - Usluge iz Aneksa II dio B Zakona o javnim nabavkama**, a kojeg provodi ugovorni organ Javna ustanova Služba za zapošljavanje Tuzlanskog kantona, a u skladu sa Odlukom o obaveznoj primjeni preferencijalnog tretmana domaćeg, **pod punom materijalnom i krivičnom odgovornošću**

IZJAVLJUJEM

Naše preuzeće je (**zaokružiti šta ponuđač ispunjava**):

- a) Izjavljujem pod pravnom, materijalnom i krivičnom odgovornošću u svojstvu predstavnika privrednog društva ili obrta ili srodne djelatnosti, da je naše preuzeće domaće sa sjedištem u Bosni i Hercegovini i da je registrirano u skladu sa zakonima u Bosni i Hercegovini i da najmanje 50 % radne snage za izvršenje ugovora su rezidenti Bosne i Hercegovine, te da naša ponuda potпадa pod odredbe o preferencijalnom tretmanu domaćeg.
- b) Izjavljujem pod pravnom, materijalnom i krivičnom odgovornošću u svojstvu predstavnika privrednog društva ili obrta ili srodne djelatnosti, da naša ponuda ne uživa preferencijalni tretman domaćeg.

Potpis ovlaštenog lica ponuđača i pečat

Mjesto i datum davanja izjave

**PISMENA IZJAVA
IZ ČLANA 52. ZAKONA O JAVNIM NABAVKAMA**

Ja, nižepotpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke **advokatskih usluga u radno pravnim postupcima - Usluge iz Aneksa II dio B Zakona o javnim nabavkama**, a kojeg provodi ugovorni organ Javna ustanova Služba za zapošljavanje Tuzlanskog kantona, a u skladu sa članom 52. stav (2) Zakona o javnim nabavkama pod punom materijalnom i krivičnom odgovornošću

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Ijavu dao:

Mjesto i datum davanja izjave

Potpis i pečat nadležnog organa:

M.P

NACRT UGOVORA
o nabavci advokatskih usluga u radno pravnim postupcima

Zaključen između:

1. JU Služba za zapošljavanje Tuzlanskog kantona, sa sjedištem u Tuzli, ulica Bosne Srebrenе bb, koju zastupa v.d. direktora mr Admir Hukić, dipl. ing.el. (u daljem tekstu: Korisnik usluga) i
2. _____, ulica _____, _____ koga zastupa _____ (u daljem tekstu: Pružalac usluga)

Član 1.

Predmet ovog ugovora je **nabavka advokatskih usluga u radno pravnim postupcima (sudski i drugi postupci)**, za period do 1 (jedne) godine od dana obostranog potpisivanja Ugovora, ili do utroška sredstava planiranih za ove namjene, a na osnovu Odluke o izboru broj: _____, za koju nabavku je proveden postupak iz Aneksa II dio B Zakona o javnim nabavkama, a Pružalac usluga dostavio ponudu broj: _____ od _____ 2020. godine, koja odgovara uslovima iz Javnog poziva za dostavu ponude, broj: _____ na osnovu čega je Pružalac usluga izabran da izvrši advokatske usluge, koje su predmet ovog ugovora.

Vrijednost ovog ugovora ne može preći iznos od _____ KM, bez uključenog PDV-a, odnosno _____ KM sa PDV-om.

Odobreni popust dat u ponudu iznosi ____ %.

Navedeni popust bit će odobren prilikom fakturisanja svake pojedinačne završene usluge.

Ponuda Pružaoca usluga, broj: _____ od _____. godine je sastavni dio ovog ugovora.

Član 2.

Ugovorne strane su saglasne da su cijene iz člana 1. ovog Ugovora fiksne i da se tokom realizacije Ugovora neće mijenjati.

Član 3.

Korisnik usluga je dužan pružiti svu potrebnu pomoć Pružaocu usluga, u cilju kvalitetnog vođenja postupka, odnosno staviti na raspolaganje svu potrebnu dokumentaciju za uspješno okončanje postupka pred sudom i drugim organima.

Član 4.

Korisnik usluga je dužan odrediti osobu koja će u ime Korisnika usluga sarađivati sa Pružaocem usluga i pružati mu svu potrebnu pomoć, kao i voditi evidenciju o poduzetim radnjama iz ovog Ugovora.

Član 5.

Pružalac usluga je dužan da u okviru najviših standarda struke izvrši izradu i uređenje tužbe, preciziranje tužbenog zahtjeva, pripremu svih potrebnih dokumenata, dostavljanje podnesaka, zastupanja na ročištima, poduzimanja svih radnji kod nadležnih organa, kao i druge pravne radnje koje su u interesu uspješnog rješenja radno pravnih odnosa.

Član 6.

Korisnik usluga se obavezuje da će u roku do 60 (šesdeset) dana od dana prijema fakture od Pružaoca usluga, koja je prethodno odobrena od osobe iz člana 4. ovog Ugovora, platiti izvršene usluge po cijenama iz člana 1 (jedan) ovog Ugovora.

Fakтуra iz prethodnog stava ovog člana ne smije sadržavati elemente koje ne sadržava ovaj Ugovor i drugačije uslove.

Fakturna mera sadržavati posebno iskazane cijene bez PDV, posebno iskazan PDV i posebno iskazan ukupan iznos.

Ugovorne strane su saglasne da se plaćanje vrši u konvertibilnim markama (KM), žiralno, uplatom na račun Pružaoca usluga broj: _____ otvoren kod banke.

Član 7.

Korisnik usluga je dužan uplatiti sve obaveze u vezi sa plaćanjem taksi na podneske, odobrenja, tužbe i druga akta koja su u vezi sa postupcima iz ovog Ugovora.

Član 8.

Korisnik usluga i Pružalač usluga mogu raskinuti Ugovor u sljedećim slučajevima:

- ako Pružalač usluga ne izvršava svoje ugovorne obaveze, a do ne izvršavanja nije došlo uslijed više sile i ne postoji saglasnost Korisnika usluga za odlaganje izvršenja bilo koje ugovorne obaveze od strane Pružaoca usluga;
- ako Korisnik usluga ne izvršava svoje ugovorne obaveze prema Pružaocu usluga;
- u svim drugim slučajevima kad druga strana krši odredbe ovog Ugovora.

U slučaju raskida Ugovora, ugovorne strane su dužne da se pismenim putem dogovore o izvršenju ugovornih obaveza do momenta raskida Ugovora.

Ugovor se raskida u pisanoj formi.

Član 9.

Ugovorne strane su saglasne da Pružalač usluga neće zapošljavati, odnosno angažovati fizička i pravna lica, koja su učestvovala u pripremi Javnog poziva, po osnovu čega je sačinjen ovaj Ugovor, ili bili angažovani od Komisije za nabavke prilikom dodjele ugovora.

Ograničenja u smislu iz stava 1. ovog člana, traju 6 (šest) mjeseci od dana zaključivanja ugovora.

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja.

U suprotnom nadležan je sud u Tuzli.

Za sve odnose i institute koji nisu utvrđeni ovim ugovorom, a proisteknu iz njegove realizacije, primjenjivat će se odgovarajuće odredbe Zakona o obligacionim odnosima.

Član 11.

Ugovor se smatra zaključenim kada ga potpišu obje ugovorne strane.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

Tražilac usluga

v.d. Direktor-a

Advija Murselović, dipl.ecc

Pružalač usluga

Advokat

Broj: _____
Datum, _____

Broj: _____
Datum, _____